

Powšitkowne WOZJEWJENJA

njedźelu, 1. měrca 2015

K čemu smy my cyrkej? – K čemu sym ja křesćan?

Wšitcy člonjojo wosadnych radow w Budyskim dekanaće a Towarstwa Cyrila a Metoda z.t. (TCM) su njedźelu, 15. měrca, na dalekublanje k temje „K čemu smy my cyrkej? – K čemu sym ja křesćan?“ přeprašeni. Wone budže wot 8 do 10.20 hodź. na Chróšćanskej farje. Přednošk změje Matthias Mader z Drježdźanskeho biskopskeho ordinariata. Tež dalši zajimowani su wutrobnje na tute zarjadowanje witani. Wobdźělnicy móža w 7 hodź. (serbsce) abo w 10.30 hodź. (němsce) njedźelnu Božu mšu w Chróšćanskej cyrkwi wopytać.

Modlerska iniciatiwa „24 hodźin za Knjeza“

Bamž Franciskus přewjedže w Romje znowa modlersku iniciatiwu „24 hodźin za Knjeza“. Wo- na wotměje so pod temu „Bóh – na smilowanje bohaty“ (Ef 2, 4) wot pjatka do soboty, 13. do 14. měrca. Swjaty wótc přeprašuje cyrkej po wšěm swěće, hdžež je móžno, so w tutym času tohorunja modlić. Tajke 24hodźinske modlenje před wustajenym Najswjećišim budže wot pjatka po Chróšćanskich wječornych kemšach z póstnym přédowanjom, potajkim wot něhdže 20 hodź. hač do soboty we 18.00 hodź. w kapalce Chróšćanskeho Domu swjateje Ludmile. Wěriwi ze wšěch wosadow su přeprašeni, zo bychu so na tym wěsty čas wobdźělili.

„Cuzy być – hósć być – doma so čuć“

Lětuši rjad ekumeniskich póstnych seminarow w Smochčanskim Domje biskopa Bena steji pod hesłom „Cuzy być – hósć być – doma so čuć“. Temje „Wučehń ze swogeho kraja ...“ (Gen 12,1) – Migraciji jako bibliskej temje – wěnuje so pónđzelu, 2. měrca, profesor dr. Matthias Albani. Posledni wječor w rjedže lětušich póstnych seminarow budže pónđzelu, 9. měrca, pod temu „... sym cuzy był, a sće mje pohoscili“ (Mt 25,35) – Migracija jako teologisko-praktiska tema. Zawodne słowa změjetaj Dietrich Gerstner a jezuitski pater Fridolin Pflüger. Rjad póstnych seminarow zakonči so z filmowym wječorom pónđzelu, 16. měrca, w Budyskim Kamjentnym domje. Započatk je stajnje w 19.30 hodź. Mjez sobuzarjadowarjami je Towarstwo Cyrila a Metoda z.t.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 10. měrca, w 14 hodź. do Domu biskopa Bena w Smochćicach přeprašeni. Zajimcy njech so prošu hač do srjedy, 4. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóż chce wotewzaty być, njech to prošu zdžěli.

Zhromadny dzeń za 3. a 4. lětnik

Dekanatne dušepastyrstwo přeprašuje džěci 3. a 4. lětnika na zhromadny dzeń sobotu, 14. měrca, wot 9.00 do 15.00 hodź. do Don Boskoweho domu we Worklecach. Zajimcy njech so prošu hač do wutory, 10. měrca, pod telefonowym čisłom (0 357 96) 8 87 07 přizjewja. Za wudawki dnja zběra so přinošk, kotryž wučinja na wobdźělnika štyri eura.

Projektowy dzeń

Wšitke džěci wot předšulskeje staroby hač do 6. lětnika su sobotu, 21. měrca, na projektowy dzeń pod hesłom „Starkmachtag“ do Njebjelčic přeprošeni. Tutón zarjadyje dekanatne dušepastyrstwo we Worklecach zhromadnje z dušepastyrstwom džěci Drježdžansko-Mišnjanskeho biskopstwa. Dzeń podpěruje Němska biskopska konferenca. Nadrobnosće zhonja zajimcy z plakata a z wupožonych flyerow (hlej tež www.posol.de). Přizjewjenja přijimuju so pisomnje hač do štwórtka, 12. měrca, we Worklecach, Młynski puć 4.

Duchowna hudźba k póstnemu časej

Koncert w rjedže duchowna hudźba budže tutu njedzelu, 1. měrca, we 18 hodž. w Budyскеj cyrkwi Našeje lubeje knjenje. Předstaji so prapremjera pasionskeje kantaty Budyskeho organista a komponista Feliksa Brojera, kotryž změje zdobom wumělski nawod. Twórbu „Rozpominanje Chrystoweho ćerpjenja“ zanjesu projektowy chór z Drježdžan, ansambl „chodophone“ a dalši instrumentalisća kaž tež Katrin Pehla-Döring (sopran), Tanja Donatec (alt), Mikołaj Walerych (tenor) a Gerald Schön (bas).

Putniska jězba z busom do Mariazella

Mariazell w Awstriskej je hłowny cil našeje putniskeje jězby. Nimo toho chcemy wulkotny benediktinski klóšter Melk nad Dunajom, Narodny park Gesäuse a klóšter Admont wopytać. Předwidžane je tohorunja, zo wobhladamy sej z lódže luboznu krajinu Wachau a zo přebywamy w uniwersitnym městačku Krems. Přenocujemy stajnje w Mariazellu. Jězba wotměje so wot póndžele do soboty, 12. do 17. oktobra. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec

Do Fatimy z busom

Pytam dale za zajimcami, kiž bychu rady hnadowne městno Fatimu wopytali, ale z lětađlom njeleća. Tutu putniku jězbu bychmy za klětu planowali. Wona budže dwanaće dnjow trać. Zajimcy njech so prošu pola mje pod telefonowym čisłom (03 59 35) 2 04 25 přizjewja.

T. Kubašec

